

MEĐUNARODNI DAN TOLERANCIJE

Savez studenata Ekonomskog fakulteta i mreža „Promoviši pozitivno“ uz učešće omladinskih organizacija, kancelarije OSCE – a kancelarije OSCE-a i uz podršku institucija Brčko distrikta na Međunarodni dan tolerancije organizovali su okrugli sto koji je bio fokusiran na ovu tematiku.

Danas je 16. novembar – dan koji se službeno označava kao Međunarodni dan tolerancije. Za one tolerantne nasuprot različitim ovo je dan kao i svaki drugi, no oni koji su skloni osuđivati različite od sebe – ovo je dan kada bi se trebali zamisliti nad svojim mislima i djelima.



“Rekao bih da je zadovoljavajuća tolerancija u našoj lokalnoj zajednici ali dok god postoji neki vid diskriminacije postoji i prostor za unapređenje tolerancije” rekao je Milan Trifunović, student.

Tolerancija međutim nije tek puko uvažavanje različitosti drugih ljudi, rasa i naroda, tolerancija je način da povećamo naš lični razvoj. Ljudi koji su različiti ne diskriminiraju svojim životima i životnim navikama druge oko sebe, oni su samo pripadnici različitih manjina i kao takvi imaju pravo biti sastavni dio naše šarolike većine.



“Mi bi se mogli ugledati na skandinavske zemlje, na njihov nivo tolerancije. Kod njih ne postoji nikakva predrasuda. Možeš pripadati bilo kojoj naciji, polu ili staležu. U svakom slučaju svi imaju jednake šanse. Mislim da je to ideal kome bi mi trebali da težimo” kaže Trifunović.

Uvažavanjem i učenjem o tuđim različitostima učimo o svijetu kojeg dovoljno dobro ne poznajemo i time učimo i obogaćujemo sami sebe. Uostalom, učeći o različitom preispitujemo i svoje vrijednosti, prioritete i uvjerenja.

“Tolerancija je kompleksna, trebamo poštovati jednakost studenata, treba poštovati njihovo znanje kako bi studenti po završetku školovanja imali jednaku mogućnost za zapošljavanje” rekao je Miloš Popić, omladinska organizacija „Svitac“.

